



## **Universitätsbibliothek Paderborn**

**Von dem Lindauwischen Colloquio/ zwischen Doctor Jacob Andreen/ vnd Herrn Tobia Ruppio/ Anno 1575. Jm Augusto gehalten**

**Spangenberg, Cyriacus**

**[Nikolaus Heinrich]**

**VD16 S 7712**

Doctor Jacobs Bekentnus von der Erbsünde.

**urn:nbn:de:hbz:466:1-36678**

Colloquio.  
Doctor Jacobs Bekentnus von  
der Erbsünde.

**E**TE macht D. Jacob ein gros Preambel als werde man da wunder Ding von der Erbsünde hören / hette aber solchs Clamanzen nicht bedürfft/ denn hette er wollen ein rechter Lutheraner sein/ so sollte er nach unsers Preceptors Luthers Regel vnd Befehl (welche also lautet/ Wenn du recht wilt anzeigen/ was die Sünde sey/ so musstu sagen/ das Alles das Sünde sey/ das vom Vater vñ Mutter geboren wird) kurg bekennen sollen. Sünde in vns ist die Natur vnd ganzes wesen/ Aber wie dem allem/ so ist sein Bekentnus (ob es wol mit ihm selbs nicht einig) in vielen Stücken jetziger Beschreibung der Erbsünde nicht zu wider/ Denn für eins gibt er zu/ das der verfinsterte Verstand sey die Finsternus selber/ Warumb wil er denn leugnen/ das nicht auch die verderbte Natur sey die Verderbung selber/ daruon man redet/ vñ die man nennt/ wenn man von der Erbsünde sagt/ was die jetzund sey/ Nemlich die Verderbung der ganzen Natur/ welches eben so viel ist/ als die ganze verderbte Natur.

Er lesset auch zu/ Ja bekennen selber/ Des Menschen Willen/ der zuvor Gott gefürchtet/ geliebet vnd getravet/ sey nach dem Fall Gottes Feind worden/ Ist denn das nicht eine grosse Verwandelung menschlicher Natur vñ Wesens/ denn der Wille im Menschen/ Item der Verstand oder die Vernunft ist ja kein Accidens: sondern das beste vnd für nemste theil des Menschen selber/ Nemlich die wollende/ verstendige/ vernünffige Seele/ Wenn nu dieselbige Gott nicht mehr erkennet/ darzu Gottes Gesetze hasset/ Gottes Willen feind/ vnd nur zu allem bösen geneigt ist/ Wie D. Jacob selber gestehet/ so ist sie freilich nicht recht: sondern uns recht/ vnd nicht an ihr zu finden/ denn lauter Anomia vnd

Unrecht/

## Von dem Lindawischen

Vnrecht/Warumb sol man denn nicht sagen/bas solche ver  
derbte Natur vnd Wesen / für Gott Sünde sey/ vnd eben  
die Erbsünde/weil die Vernunfft/der Wille/die Seele nicht  
allererst in vns G O T T feind vnd widerwertig wird/son  
dern also böse vnd vnrecht auff vns wesentlich geerbet ist:  
Vnd weil das ganze Wesen des Menschen/alle Glieder/ al  
le innerliche vnd eusserliche Kressste der blinden Vernunfft  
vnd GÖTTes Feinden zu allen Sünden williglichen folgen  
vnd dienen/ Warumb sollte man denn nicht mit Doctor Lu  
thern Sünden nennen / das H O C T O T V M , alles das/  
was vom Vater vnd Mutter geboren wird : Vnd weil als  
les solches Vnrechte nicht eine Sünde ist/ die gethan wird:  
sondern alle andere Sünde thut/ so ist freilich eben dasselbi  
ge H O C T O T V M , die wesentliche Erbsünde/ Wie es D.  
Luther in der Kirchenpostill vnd sonst allenthalben in sei  
nen Schriften gewaliglicher weiset.

Ist denn dieses auch war / wie es denn one alle Eynrede  
war sein mus/bas D. Jacob sagt/das an dem ganzen Men  
schen gar nichts gutes sey/ weder an Leib noch an Seele/  
vnd das er ein Grewel für GÖTTes Augen vnd Geistlich  
tode sey/ So mus solches alles freilich auch Sünde sein. Ist  
gar nichts gutes am ganzen Menschen/ so ist gewislich als  
les böse vnd Sünde / vnd wird Natur vnd Wesen darou  
nicht ausgenomen/denn was nach des Gesetzes Ausspruch  
für böse erkant vnd geurtheilet wird/ das ist auch Sünde/  
wie niemand leugnen kan/Zu deme ist auch nichts für Gott  
ein Grewel/ denn alleine das Vnrecht oder Sünde. Weil  
auch der Mensch für Gott Geistlich lebendig vnd also ges  
recht sein sollte: Vnd aber nicht also/ sondern tote ist/ so ist  
er demnach auch Vnrecht und Sünde / vnd derhalben nu  
nicht mehr eine gute: sondern eine böse tote/ gestorbene vnd  
verdorbene Creatur Gottes/ Die nu einen andern Herrn/  
vñmlich dem Teufel zugehört/ wo nicht durch Christum  
vernewet wird/was war verdorben/ wie die Kirche singet.

Scher/

## Colloquio.

Sehet/Golches alles bringen die klaren Wort in D. Iacobs Bekentnus vnwidersprechlich mit sich/noch dennoch schewet er sich nicht der öffentlichen Wahrheit/die er doch selb nicht allerdinge leugnen kan sich zu widersezzen/vnd solche Lere/das menschliche verderbte Natur die Erbsünde selbs sey/als Rezertzsch zu verbannen.

Er spricht weiter/Es müsse der Mensch an seiner selbs eisigen Natur/Substanz vñ Wesen verzagen/von wegen des selbengenzlichen Verderbung/durch Adams Fall verursachet/vnd nicht von wegen eines andern besondern ankleben den Dinges/oder vnterschiedene Accidens in seiner Natur.

Forder sagt er auch recht/das Christus unser vnreine Empfengnus/Geburt vnd Natur mit seinem Leiden vnd Sterben gereinigt habe/Vnd das ist auch war an allen/dis solches im Glauben fassen/Wo kommt man denn mit dem neuen Thand her von der Absonderung vnd Separation des anklebenden Accidens? Reiniget alleine der Glaube die Hertzen/vnd vernewert Christus das verdorbene/hedurh Gnade/vnd dort durch treffstige Verwandelung vnd Vertilrunge/Was verfüret man denn die Leute mit der Nicodemischen Absonderung zweier vnterschiedener Dinge?

Das ist aber vurecht/das D. Jacob fürgibt/Es werds am jüngsten Tage ein sündiges Fleisch auferstehen/vnd denn allererst die Erbsünde daruon abgescheiden werden/Das ist strack's wider unsern Glauben/darinnen wir bekennen/Hie/(Hie in diesem Leben) all Sünde (alle mit einander) vergeben werden. Darumb heissen wir die Glaubigen/so im Heiligen sterben/ auch Selig/Vnd S. paulus sagt/Wer gestorben ist/ist gerechtfertigt von der Sünde/Wie kann denn an einem solchen noch eins solch wütend lebensdig böse Ding vnd Accidens/Wie D. Jacob die Erbsünde kennt/sein vnd bleiben bis an Jüngsten Tage?

Es mag D. Jacob/well er in das Unterschelden kommt/  
h 2 men/

## Colloquio.

des war ist/ so weit paulus noch alter Adam ist/ vnd nach  
seiner Natur an jr selbs vnd nicht nach der Gnade angese-  
hen wird / Da heisset es freilich Fleisch aus Fleisch geboren.  
Nu denn böse Gedanken/ der ganz verderbten menschli-  
chen Natur Werke sind / Wie kommt es denn / das der  
Baum sol besser sein denn die Früchte / Also/ das die Früch-  
te eigentlichen Sünde sind vnd heissen / aber der Baum  
sol nicht eigentlich Sünde sein noch also genennet werden :  
Item/ weil er die ganze verderbte Natur Fleisch nennt/  
das ist eine Natur one Geist/ vnd es ja alles Sünde ist für  
Gott/ was nicht Geist ist / Warumb wil denn D. Jacob die  
verderbte Natur one den Geist nicht eigentlich lassen für  
Gott Sünde sein : Und weil er selbs bekennet/ die bösen Ge-  
danken sind der ganzen verderbten menschlichen Natur  
Werke / Warumb fragt er den Herrn Thobiam / in wel-  
chem Theil der menschlichen Natur die Sünde zu finden  
sey / Ob sie in den Obersten oder Untersten oder mittelsten  
Kreßten zu suchen / Ist die ganze Natur verderbet / Was  
darffs dieser spöttischen Frage : Desgleichen der andern :  
Da er sagt / Ob paulus auch habe sollen beichten/ das seine  
Natur vnd Wesen ganz vnd gar one allen Unterscheid  
Sünde sey : Hat er doch den klaren Text für sich/ da Paulus  
bekennet vnd beichtet / (das er nach dem Fleisch selber  
mit seiner ganzen Natur / die wesentliche Sünde sey (wie  
es Lutherus nennt) die alle andere Sünde thut / Denn als  
so sagt er / Ich (verstehe nach dem äußerlichen Menschen)  
thuen nicht das ich wil (nach dem innerlichen) sondern das  
ich hasse (als ein Newgeborener) das thue ich (nach dem  
alten Adam) Item/ das gute das ich wil (nach dem neuen  
Menschen) das thue ich nicht (durch meinen alten Adam  
verhindert) vnd das böse das ich (als ein Newgeborener)  
nicht wil/ das thue ich / (von meinem Fleisch vnd alten As-  
dam obereilt) Also legt Lutherus dieses Wort aus in dem  
Buch wider Latomum/ vnd das es auch eigentlich pauli

¶ 3 Mey